



UNIVERSITÄTS-
BIBLIOTHEK
PADERBORN

Universitätsbibliothek Paderborn

Mater Amoris Et Doloris

Ginther, Anton

Augustæ Vindelicorum, 1711

VD18 15312348

Ad Matrem Dolorosam Monachij In Bavaria In Ecclesia Dvcalis Hospitalis S.
Elisabethæ Viduæ Quotidianis Beneficiis ...

[urn:nbn:de:hbz:466:1-47286](https://nbn-resolving.org/urn:nbn:de:hbz:466:1-47286)

AD
M A T R E M
D O L O R O S A M
M O N A C H I J I N B A V A R I A

I N
E C C L E S I A D U C A L I S H O S P I T A L I S
S. E L I S A B E T H Æ V I D U Æ
Q U O T I D I A N I S B E N E F I C I I S
I N M O R T A L E S C O N S P I C U A M
H U M I L L I M A S U P P L I C A T I O E T D E D I C A T I O
A U C T O R I S .

E X V O T O .



Uth pauperrima illa Moabitidis in
agro quondam opulentissimi *Ruth. 2.17*
Booz relictas metentium spicas
collegit, quas in manipulos
congerens virgâ excussit, ut sic
non duntaxat extremæ suæ
confuleret inopiæ, quàm & meliorem fructuum
illorum partem pulcherrimæ Noëmi benefactrici
suæ omnium maximæ consecraret, quæ tamen non
)*(2 Noë-

DEDICATIO.

Ruth. 1. v.
 19. Noëmi, hoc est pulchra & decora, sed Mara, quod idem est, quàm Amara appellari voluit: *Ne vocetis me Noëmi, id est pulchram, sed vocate me Mara, id est Amaram, quia amaritudine valde replevit me Omnipotens: Cur ergo vocatis me Noëmi, quam Dominus humiliavit, & afflixit Omnipotens?*

DOMINA totius universi! VIRGO & MATER DOLOROSA! Collegi & ego Scriptorum pauperimus, ac Servorum tuorum minimus cum Ruth egentissima in fertilissimo agro S. Scripturæ post toties à Doëtoribus demessam & excussam segetem adhuc aliquas superstites & deciduas de laudibus tuis spicas, ac præsertim de Amore & Dolore afflictissimi Cordis tui non jejunas aristas, quas pro mea sublevanda inopia in unum Fasciculum, seu compendium in notatis meis ligavi, ut in promptu semper haberem, quid fructuose meditarer, & quem statutis temporibus parvulis de Cathedra panem frangerem. Verùm cui nunc meliorem hanc fructuum, laborumque meorum partem offero?

Tibi, ô DOMINA! sub Cruce Unigeniti ac Dilectissimi Filii tui stanti, & mundo perditio succurrenti, quidquid sum, quidquid habeo, tanquam Benefactrici omnium maximæ humiliter defero, consecro, ac submitto. O pulcherrima Noëmi! quantum in hac vita mortali humiliavit Te
 Domi-

DEDICATIO.

Dominus, & quanta amaritudine replevit Cor tuum Omnipotens, dum non solum Crucem sub Cruce, omnesque tunc patientis Filii tui Dolores in Corde perpeffa es, sed jam ab illa hora, qua tibi Simeon praedixit: *Et tuam ipsius animam pertransibit gladius, usque ad vitae tuae terminum non amplius a te recessit Perpetuus Doloris gladius.* LUC. 2. 35.

Et hoc est o DOMINA! quod non abs longe per Statuam tuam Thavmaturgam Monachij in templo Ducalis Hospitalis S. Elisabethae Viduae Anno a Partu tuo Virgineo 1690. die 21. Januarij Christiano populo volebas insinuare, dum in praesentia etiam Illustrium Personarum sub Litanijs Lauretanis, publice in honorem tuum decantatis misericordes oculos tuos primo ad dulcissimum Infantulum tuum JESUM in praesepio ibidem reclinatum, & exinde ad patientem & in cruce morientem Filium tuum, ac demum ad populum Monacensem tibi singulariter devotum miro ac materno plane affectu convertisti, per quem oculorum motum a praesepio ad crucem, meo judicio, non obscure insinuare voluisti, quod, sicut Christus Filius tuus a primo incarnationis instanti Sacrificium crucis acceptavit; ita tu quoque jam tunc temporis in eandem consenseris crucis victimam: *Ecce Ancilla Domini, fiat mihi secundum verbum tuum.* LUC. 1. 38.

Ex Litteris publicis & authenticis Reverendiss. Ordinarij Frisingensis anno 1691. typis publicis impressis.

DEDICATIO.

perpetienda semper te paratam exhibuisti: *Ego*, in
Revel. 8. *quis ipsa ad D. Birgittam, plena sui tribulatione à*
Birg. l. 6. *nativitate Filij mei usque ad mortem ejus; tribu-*
8. 24. *lationem & dolorem cordis supra omnem creatu-*
ram patiebar &c. melius enim, quàm Prophetæ,
 præscivit sui Filij passionem &c.

O DOMINA mundi! *quis mortalium dignè*
S. Aug. ser. *valeat jura gratiarum, laudumque præconia ti-*
18. de SS. *birependere, qua singulari tuo assensu mundo suc-*
in medio. *curristi perduto? Ita Africanum Ecclesiæ Lumen*
 S. Augultinus.

Olim cives Bethulienses ad Liberatricem suam,
 fortissimam Judith, unanimi voce succlamabant:
Judith. 13. *Benedixit te Dominus in virtute sua, quia per te*
23. *ad nihilum redegit inimicos nostros, ad quorum*
 clamorem elevavit & vocem suam Ozias princeps
 populi Israël: *Quia hodie nomen tuum ita magni-*
ficavit, ut non recedat Laus tua de ore hominum,
qui memores fuerint virtutis Domini in aeternum,
pro quibus non pepercisti anima tua, propter an-
gustias & tribulationem generis tui, sed subvenisti
ruinæ ante conspectum Dei nostri. Quantò magis
 de te hoc dicere possumus, ò Pientissima! dum non
 pepercisti animæ tuæ propter angustias & tribulatio-
 nem generis nostri, sed subvenisti ruinæ ante con-
 spectum Dei nostri, te ipsam in Filio tuo Crucifixo
 im-

DEDICATIO.

immolando: *Quid aliud*, ait S. Petrus Chrysol.^{S. Petr.}
Abraham, quàm Corpus suum immolabat^{Chrysol.}
in filio? Plus fecisti, ò afflictissima Mater! Ille in
serm. 108.
solo voto, tu re ipsa carnem tuam in dulcissimo
Unigenito tuo Æterno Patri in cruentum & gratissi-
mum immolasti Sacrificium. Quapropter non re-
cedet Laus tua de ore hominum, qui memores fue-
rint virtutis Domini & tuæ in æternum.

In quem finem tibi, ò pretiosissima VIRGO!
humiliter supplex fio: Accipe ab indignissimo seruo
tuo has, quascunque exiles, quascunque meritis tuis
impares gratiarum actiones, & ne spernas, obsecro
hoc levidense Opusculum, quod horis Subsecivis
de tuis Laudibus ac SS. Cordis tui Doloribus compo-
sui; Erubesco solummodo, ò MATER AMORIS & DOLO-
RIS! quòd non omnes isti apices & characteres meo
Sanguine rubeant, quem pro tuo honore & amore
omni momento paratus sum profundere. Et quia
pro tot à te receptis Beneficijs plus dare non possum,
nec valeo, quàm me ipsum: En habes O DOMINA!
hïc vilissimum mancipium & peccatorum cori-
phæum ad tuos Sacratissimos pedes humiliter pro-
stratum. Audi me ò Benigna! & fave, ac tunc præ-
fertim, quando Suprema illa mortis imminet ho-
ra. Amen. Ita fiat O DOMINA!

Servorum ac Sodalium Tuorum Minimus

ANTONIUS GINTHER,
Sacerdos indignus.

Mater Dolorosa.

)**(
* * *